

ქ. თბილისი

29 დეკემბერი 2020 წ.

ერთი მხრივ, შპს დუშეთის მუნიციპალიტეტის (შემდგომში - „შემსყიდველი“), მერის **ზურაბ სეხნიაშვილის** (ს/კ 229324451) სახით, ერთი მხრივ და მეორე მხრივ, საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის მცხეთა-მთიანეთის რეგიონალური დპ სამმართველო (ს/კ 211350928) (შემდგომში - „დაცვა“), სამმართველოს უფროსის **ვასილ ჯარიაშვილის** სახით, მეორე მხრივ, ვდებთ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

1.1 „დაცვის“ მიერ, მხარეთა შორის გაფორმებული გამოკვლევის აქტის (შემდგომში - N1 დანართი) საფუძველზე, „შემსყიდველის“ ობიექტის დაცვა (შემდგომში - „ობიექტი“), რომელიც მდებარეობს მისამართზე: ქ.დუშეთი, რუსთაველის ქ. N27. CPV-79713000

**მუხლი 2. დაცვის თანამშრომელთა საშტატო განრიგი და დაცვის რეჟიმი**

2.1 ხელშეკრულების პირველი მუხლის 1.1 პუნქტით გათვალისწინებული „ობიექტის“ დაცვას განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის მცხეთა-მთიანეთის რეგიონალური დპ სამმართველო (შემდგომში - სამმართველო) 1(ერთი) ინსპექტორის და 5 (ხუთი) უმცროსი ინსპექტორის საშტატო ერთეულით, გამოკვლევის აქტით გათვალისწინებული დაცვის რეჟიმით.

**მუხლი 3. მხარეთა შორის ანგარიშსწორება**

- 3.1 „დაცვის“ მომსახურების ერთი თვის ჯამური ღირებულება შეადგენს 4600 (ოთხიათასექვსასი) ლარს დღგ-ს ჩათვლით.
- 3.2 ანგარიშსწორება უნდა განახორციელდებოდეს საგადასახადო დოკუმენტაციის გამოწერიდან 10 საბანკო დღის განმავლობაში;
- 3.3 „დაცვის“ მომსახურებაზე საგადასახადო დოკუმენტაციის გამოწერას უზრუნველყოფს „სამმართველო“.

**მუხლი 4. მხარეთა უფლება - მოვალეობანი**

- 4.1 „დაცვა“ ვალდებულია:
  - 4.1.1 არ გაამყდენოს „შემსყიდველის“ სამსახურებრივი საიდუმლოება;
  - 4.1.2 „ობიექტის“ სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;
  - 4.1.3 „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
  - 4.1.4 „დამკვეთს“ ფაქტიური ზარალი აუნაზღაუროს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ დასკვნის საფუძველზე. ზიანის ანაზღაურება მოხდება მხოლოდ იმ შემთხვევაში თუ „დაცვის“ მიერ დარღვეულია ხელშეკრულებით ნაკისრი ვალდებულებები;
- 4.2 „დაცვა“ პასუხისმგებლობას არ კისრულობს თუ:
  - 4.2.1 „დამკვეთმა“ არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;
  - 4.2.2 თანამშრომელთა პირად საკუთრებაზე, რომელიც დატოვეს დასაცავ „ობიექტში“;
  - 4.2.3 მატერიალური ფასეულობების ქურდობისათვის, თუ ქურდობა ჩადენილია „შემსყიდველის“ მიერ „ობიექტის“ დადგენილი წესით დაცვისათვის ჩაუბარებლობის გამო.
- 4.3 „შემსყიდველი“ ვალდებულია:
  - 4.3.1 განახორციელოს პირველადი და შემდგომი გამოკვლევის აქტების მოთხოვნათა შესრულება და „დაცვასთან“ ერთად იზრუნოს „ობიექტის“ დაცვის სრულყოფისათვის;
  - 4.3.2 „შემსყიდველი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე - 3 მუხლის მოთხოვნათა შესაბამისად.
  - 4.3.3 „დაცვას“ 15 დღით ადრე აცნობოს და მასთან შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას: („ობიექტის“ დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სარემონტო სამუშაოების წარმოება და ა.შ.);
  - 4.3.4 „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „დაცვას“;

4.3.5. „შემსყიდველს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებზეც არ არის განსაზღვრული გამოკვლევის აქტებით;

4.3.6. ხელშეკრულების ცალმხრივად შეწყვეტის თაობაზე გადაწყვეტილების მიღებისას, „შემსყიდველი“ ვალდებულია აღნიშნული გადაწყვეტილების შესახებ ერთი თვით ადრე წერილობითი ფორმით აცნობოს „დაცვას“.

#### **მუხლი 5. ხელშეკრულების პირობების შეუსრულებლობა**

5.1 ხელშეკრულების ცალმხრივად შეწყვეტის თაობაზე შეტყობინების ვადის დარღვევის შემთხვევაში, „შემსყიდველი“ ვალდებულია „დაცვას“ გადაუხადოს პირგასამტეხლო დაცვის მომსახურების ერთი თვის ღირებულების ოდენობით, პირგასამტეხლოს თაობაზე მოთხოვნის წარდგინიდან არა უგვიანეს 14 საბანკო დღის განმავლობაში;

5.2 ხელშეკრულების მე-4 მუხლის 4.3 პუნქტის 4.3.2 ქვეპუნქტით გათვალისწინებული ვალდებულების შეუსრულებლობის შემთხვევაში, „დაცვა“ უფლებამოსილია მოსთხოვოს „შემსყიდველს“ პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით.

5.3 „დაცვა“ ზარალისათვის პასუხისმგებლობას კისრულობს ხელშეკრულებით დაკისრებული მოვალეობების არაჯეროვანი შესრულების შემთხვევაში;

#### **მუხლი 6. ფორს-მაჟორი**

6.1. მხარეები თანხმდებიან, რომ ფორს-მაჟორში იგულისხმება სტიქიური მოვლენები, საომარი მოქმედება, ბლოკადა, აჯანყება, სახელმწიფოს მიერ მიღებული შემზღვევა/ამერძალავი სამართლებრივი აქტები ან/და სხვა მსგავსი მოვლენები, რომლებიც: ა) არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია; ბ) პირდაპირ და უშუალო ზეგავლენას ახდენს მხარეთა მიერ ხელშეკრულებით ნაკისრი ვალდებულებების სრულად ან/და ჯეროვნად შესრულებაზე; გ) არ არის გამოწვეული ან/და დაკავშირებული მხარეთა შეცდომებთან, დაუდევრობასა თუ გულგრილობასთან; დ) დაიწყო ან განვითარდა მხარეთა მიერ ხელშეკრულების ხელმოწერის შემდეგ და რომელთა წარმოშობის შესახებ ხელშეკრულების დადების მომენტში მხარეებს არ შეეძლოთ სცოდნოდათ. ამასთან აღნიშნული გარემოება მხარეთა მიერ შესალოა განხილულ იქნას როგორც ფორს-მაჟორი მხოლოდ იმ შემთხვევაში, თუ აღნიშნული გარემოებების დადგომა უშუალოდ უშლის ხელს მხარეთა მიერ ვალდებულებების შესრულებას.

6.2. მხარეები თავისუფლდებიან პასუხისმგებლობისგან ხელშეკრულებით ნაკისრი თავიანთი ვალდებულებების ნაწილობრივ ან სრულ შეუსრულებლობაზე, თუ ეს გამოწვეულ იქნა დაუძლეველი ძალის ზემოქმედებით, რომლის დროსაც შეუძლებელია დაკისრებული მოვალეობების შესრულება (ფორს-მაჟორი);

6.3. მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია დაუყოვნებლივ წერილობით აცნობოს მეორე მხარეს ამის შესახებ. წინააღმდეგ შემთხვევაში მხარეს უფლება არა აქვს მიუთითოს ამგვარ გარემოებებზე, როგორც თავისი ვალდებულებების შეუსრულებლობის მიზეზზე;

6.4. დაუძლეველი ძალის შედეგად წარმოშობილ ხელშემშლელ გარემოებათა დადგომისას მხარეთა მიერ თავიანთი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები;

6.5. მხარეებს უფლება აქვთ მოითხოვონ დაუძლეველი ძალის გარემოებების დადგომის წერილობითი დადასტურება, რომელიც გაცემული იქნება უფლებამოსილი სახელმწიფო ორგანოს მიერ.

#### **მუხლი 7. ხელშეკრულების მოქმედების ვადა**

7.1. ხელშეკრულება ძალაში შედის 2021 წლის 01 იანვრიდან და მოქმედებს 2022 წლის 01 იანვრამდე.

#### **მუხლი 8. სხვა პირობები**

8.1 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წინამდებარე ხელშეკრულების შემადგენელი და განუყოფელი ნაწილია;

8.2 გამოკვლევის აქტები წარმოადგენენ ხელშეკრულების განუყოფელ ნაწილს;

8.3 „დაცვა“ უფლებამოსილია ცალმხრივად შეწყვიტოს ხელშეკრულება, რის შესახებაც „შემსყიდველს“ ეცნობება არანაკლებ 10 დღით ადრე;

8.4 ხელშეკრულების 5.2 პუნქტით გათვალისწინებული პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „დაცვა“ უფლებამოსილია ცალმხრივად შეწყვიტოს ხელშეკრულება დაუყოვნებლივ;

8.5 თუ „შემსყიდველი“ არ შეასრულებს ხელშეკრულების პირველადი და შემდგომი გამოკვლევის აქტის მოთხოვნებს და დაარღვევს ხელშეკრულების მე-4 მუხლის 4.3. პუნქტით ნაკისრ ვალდებულებებს, „დაცვა“ იხსნის ყოველგვარ პასუხისმგებლობას შემსყიდველისთვის მიყენებული ნებისმიერი ზიანისთვის;

8.6 ხელშეკრულების ძალაში შესვლის დღიდან ძალადაკარგულად გამოცხადდეს მხარეთა შორის გაფორმებული 2019 წლის 25 დეკემბრის №3465081 (ელ.ვერსია) (616გ) ხელშეკრულება, ხოლო მასზე თანდართული გამოკვლევის აქტი დარჩეს ძალაში მასში განსაზღვრული პირობებით და მისი მოქმედება გავრცელდეს ახალ ხელშეკრულებაზე;

8.7 სადავო საკითხებს მხარეები გადაწყვეტენ ურთიერთშეთანხმებით, ხოლო შეუთანხმებლობის შემთხვევაში სასამართლოს მეშვეობით;

8.8 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის შესაბამისად;

8.9 ხელშეკრულება შედგენილია ორი, თანაბარი იურიდიული ძალის მქონე ეგზემპლარად, რომელთაგან ერთი ინახება „შემსყიდველთან“, ხოლო მეორე „დაცვასთან“.

#### მუხლი 9. მხარეთა რეკვიზიტები და ხელმოწერები:

„შემსყიდველი“

დუშეთის მუნიციპალიტეტი

ს/კ 229324451

მის. ქ. დუშეთი, რუსთაველის ქ. N27

ტელ:

ელ.ფოსტა

მერი



ზურაბ სეხნიაშვილი

„დაცვა“

შსს სსიპ – დაცვის პოლიციის დეპარტამენტის

მცხეთა-მთიანეთის რეგიონალური დაცვის პოლიციის სამმართველო

ს/კ 211350928

მის: ქ.მცხეთა, ანტიოქიის ქ. N3

მიმღების ბანკი - სახელმწიფო ხაზინა

მიმღების დასახელება - ხაზინის ერთიანი ანგარიში

ბანკის კოდი - TRESGE22

მიმღების ანგარიში/საბანკო კოდი - 707117039

სამმართველოს უფროსი

ვასილ ჯარიაშვილი